

**UGOVOR**  
**Za nabavku namještaja iz lota 3 – razni namještaj**

između:

1. **USTAVNI SUD BOSNE I HERCEGOVINE** sa sjedištem u Sarajevu, ulica Reisa Džemaludina Čauševića 6/III, kojeg zastupa predsjednica Ustavnog suda Bosne i Hercegovine Seada Palavrić (u daljnjem tekstu: **Naručilac**)

i

2. **GRADIZ d.o.o.** ulica Halida Kajtaza br. 1, Sarajevo, kojeg zastupa direktor Edin Skejić (u daljnjem tekstu: **Isporučilac**)

**Član 1.**

Predmet ugovora je nabavka, isporuka i montaža namještaja iz lota 3 – razni namještaj za potrebe Naručioca, prema definisanim uslovima iz tenderske dokumentacije broj SU-08-990-4/24 od 13. novembra 2024. godine i prema sadržaju ponude broj 1093/24 od 22. novembra 2024. godine sa kojom je Isporučilac učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

**Član 2.**

Ukupna cijena za nabavku iz člana 1. ovog ugovora, definisana nakon e-aukcije, iznosi 1.650,00 KM bez PDV-a, odnosno 1.930,50 KM sa PDV-om.

Pojedinačne cijene, definisane nakon e-aukcije, bez uračunatog PDV-a iznose:

- Za stavku 1) Pokretni ladičar, 5 komada 1.000,00 KM;
- Za stavku 2) Garderobni ormar sa pretincima, 1 komad 400,00 KM;
- Za stavku 3) Klupa, 1 komad 250,00 KM.

U cijenu su uračunati troškovi isporuke u prostorije Naručioca - Reisa Džemaludina Čauševića 6, treći sprat, Sarajevo, kao i troškovi montaže robe.

**Član 3.**

Isporučilac će izvršiti obaveze iz člana 1. ovog ugovora, najkasnije 4 mjeseca od stupanja ovog ugovora na snagu.

Isporučilac se obavezuje dostaviti robu Naručiocu, u traženim količinama i u dogovoreno vrijeme, kvalitete koja odgovara zahtjevima iz tenderske dokumentacije i ponude Isporučioca.

#### **Član 4.**

Isporučilac garantuje da isporučena roba nema nedostataka ili grešaka u konstrukciji i montaži i da je prikladna za upotrebu. U slučaju uočenih nedostataka, Naručilac će u roku od 10 (deset) dana od dana isporuke i montaže pismeno obavijestiti Isporučioca, koji je dužan popravku izvršiti u roku od 20 dana od dana prijema obavijesti ili zamijeniti proizvod drugim, iste vrijednosti i u ispravnom stanju.

Isporučilac garantuje ispravno funkcioniranje isporučene robe u garantnom roku od 12 (dvanaest) mjeseci od dana isporuke i montaže. Tokom garantnog roka Isporučilac će, po pozivu Naručioca i o svom trošku, otkloniti sve nedostatke, koji su posljedica slabe kvalitete isporučene robe odnosno izvršiti zamjenu ukoliko je nedostatak takve prirode da se ne može otkloniti.

Naručilac se obavezuje da će se pridržavati uputa za upotrebu i održavanje isporučene robe i da će je koristiti isključivo u svrhe za koje je namijenjena. U suprotnom, Naručilac gubi pravo na garanciju.

#### **Član 5.**

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po kvalitativnom i kvantitativnom prijemu robe bez primjedbi i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

#### **Član 6.**

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

#### **Član 7.**

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

#### **Član 8.**

Ovaj ugovor stupa na snagu danom potpisivanja od strane ovlaštenih lica ugovornih strana.

**Član 9.**

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.


**ZA ISPORUČIOCA**

Edin Skejić



**ZA NARUČIOCA**

Seada Palavrić



31.12.2024

Broj: 1255/24

Sarajevo, 26. decembra 2024. godine

Broj: SU-08-990-20/24